

Наргиз САТТОРОВА:  
МЕН ЭНГ БАХТЛИ  
ОНАМАН!

2



Рустам ХУДОЙБЕРГАНОВ:  
ХАЁТ ДАРАХТИНИ  
ЯШНАТИБ ЯШАЙЛИК!



ҚАРС ИККИ ҚЎЛДАН...



ЙЎЛДАГИ ГАПЛАР

8

## ҚАДР-ҚИММАТИМ, ТАЯНЧИМ ВА ИФТИХОРИМСАН, МУСТАҚИЛ ЎЗБЕКИСТОН!



*Халқимиз дастурхони тўрт  
фаслда ҳам тўкин ва обод*

УШБУ СОНДА:

Севги хатлари ва номаълум имзолар .....	3
Мактабда... туғилган кунни нишонлаш мумкинми? .....	5
Уйингизга қутил(ма)ган меҳмон келди .....	6
«Гап»чиларнинг дарди фақат пул .....	6
Ичкуёв бўлмаган йигит .....	7
Бразилияга бораётган ўзбек футболчи эмас .....	8

**ҲИКМАТ**  
Сўз инсоннинг қиймати қадар қадрлидир.  
Жалолиддин РУМИЙ


Наргиза САТТОРОВА:

# МЕН ЭНГ БАХТЛИ ОНАМАН!

“Йил аёли” танловининг республика босқичи ғолиби, Андижон вилояти Асака тиббиёт коллежи директорининг ўринбосари, болалар шифокори Наргиза Сатторова шаънига меҳрибон она, сариштали уй бекаси, садоқатли ёр деган таъриф у тавсифлар кўп бора айтилганига гувоҳимиз.

Наргизахон болалигидан шифокорликни орзу қилди. Шу мақсадда ўқиб-ўрганишдан, изланишдан толмади. Талабалик даврида устозлари кўмагида ўз мутахассислиги бўйича тиббиёт илмини пухта эгаллади. Институтни муваффақиятли тамомлаб, Асака тиббиёт коллежидега ёшларга сабоқ бера бошлади. Шу билан бирга “Қамолот” ЕИХ етакчиси, бошланғич хотин-қизлар ташкилоти раиси каби вазифалардаги жўшқин фаолияти билан барчага ибрат кўрсатди. Айна пайтда мазкур коллежда ўқув ишлари бўйича директор ўринбосари сифатида ёш авлодни ҳар томонлама етук инсонлар қилиб тарбиялаш ишига муносиб ҳисса қўшиб келаётир.

Унинг ташаббуси билан 2012 йилда коллеж битирувчиларининг иш билан бандлигини таъминлаш мақсадида



коллеж қошида “Тиббиёт камалаги” хусусий унитар корхонаси ташкил этилди. Тикувчилик йўналишида фаолият олиб бораётган ушбу корхонада айна пайтда 11 нафар киз иш ўрнига эга бўлди.

Наргизахон нафақат жамоада, балки туман ва вилоятда ҳам кенг жамоатчилик эътирофига сазовор бўлиб келмоқда. У 2011 йили туманда “Йилнинг энг яхши ўқитувчиси” кўрик-танловида туман босқичида биринчи ўринни, 2012 йилда эса бошланғич хотин-қизлар ташкилоти раи-

си сифатида Хотин-қизлар кўмитасининг энг намунали бошланғич ташкилоти” кўрик-

танловининг республика босқичида фахрли 1-ўринни эгаллади.

— “Йил аёли — 2013” танловидаги ҳаяжонли дақиқаларни ҳалигача унутолмайман, — дейди Наргизахон Сатторова биз билан суҳбатда. — Республикамининг тадбиркору ишбилармон аёллари, билимдон, салоҳиятли олималари орасида қатнашиб, ғолиб бўлишдек фахрли бахт менга насиб этганидан қувонч келтирди. Биз аёлларга ҳаётнинг барча жабҳаларида фаол иштирок этиб, юртимиз

Йил аёли

равнақи йўлида меҳнат қилишимиз, оиламиздан кўнглимиз тўқ бўлиб яшашимиз, бир сўз билан айтганда, бахтли бўлишимиз учун барча имкон эшикларини очик, Шу боис мен дунёдаги энг бахтли хотин-қизлар ҳам бизнинг озод ва обод Ўзбекистон аёлларидир, деб биламан. Мустақиллигимизнинг илк кунлариданоқ Президентимиз раҳнаомлигида мамлакатимизда хотин-қизлар масаласига алоҳида эътибор қаратилиб, истиқлол йилларида оила, оналик ва болаликни муҳофаза қилиш, хотин-қизларнинг ҳақ-хуқуқларини ҳимоялаш борасида кўплаб хайрли ишлар амалга оширилди. Аёлларнинг кадр-қиммати улуғланди, унинг ҳар бир эзгу иши, ташаббуслари қўллаб-қувватлаши учун ҳуқуқий асослар яратилган. “Йил аёли” танлови эса интилувчан аёлларнинг меҳнатларига эътибор ҳамда рағбат намунасидир.

Наргизахон нафақат жамиятда фаол, балки оилада ҳам ибратли уй бекаси. Умр йўлдоши Баҳодиржон билан фарзандларини яхши тарбиялаб, вояга етказишмоқда. Самимияти, меҳрибонлиги билан оналиги, қайнона-қайнатасига меҳр-оқибат, ҳурмат кўрсатиб, уларнинг дуоларини олиб, обрў топаётир.

**Зумрадхон АБДУЛЛАЕВА,**  
“Оила ва жамият”  
мухбири.  
Андижон вилояти.

ОГОХ БЎЛИНГ!  
ГУГУРТ

## ЎЙИНЧОҚ ЭМАС

Инсон ҳар доим бир дунё орзу-умидлар билан яшайди, яхши ниятда уй куради. Йиллар давомида ҳалол меҳнат қилиб топган маблағи гўзал бир иморатга айланади. Аммо баъзан озгина эҳтиётсизлик, оддий бир ёнғин хавфсизлиги қондаларига бефарқ қараш сабабли қанча меҳнат ва умр машаққатлари эвазига барпо этилган уй-жай ёки мол-мулк бир неча дақиқалар ичида кулга айланади. Тасаввур қилинг-а, агар бундай эҳтиётсизликка кўп қаватли уйларда яшовчи фуқаро томонидан йўл қўйилса-чи? Бир лаҳзада “тилсиз ёв” ён-атрофдаги қўни-қўшниларнинг хонадонларига ҳам хавф солиши эҳтимоли кучаяди.

Шу боис ҳам аввало жойларда бу каби нохуш ҳолатларнинг олдини олиш мақсадида шаҳар ва туманлардаги ёнғин хавфсизлиги бўлима-ри томонидан аҳоли ўртасида кенг тарғибот ишлари олиб борилаётти.

Ҳозир айна киш фасли. Табиийки, айримлар турли иситиш мослама ва ускуналаридан фойдаланадилар. Бу эса аҳолининг ҳамда мута-садди ташкилотларнинг масъулиятини янада оширади. Шундай омилларни назарда тутган ҳолда, пойтахтнинг Юнусобод тумани ёнғин хавфсизлиги бўлими томонидан кузги-қишки иситиш мавсуми даврида ёнғин хавфсизлигига оид қондалар, бу борада бир қатор тавсиялар ишлаб чиқилиб, ушбу қондалар билан аҳолининг барча қатламларини мунтазам равишда таништириб, уларга қатъий амал қилишнинг ҳаётий аҳамияти таъкидланмоқда. Жумладан, ушбу қондаларга биноан яшаш уйларидега газ тармоғидан резини шланг орқали фойдаланиш, кўп қаватли уйлар хонадонларига газ плитасини балконга олиб чиқиш, шунингдек, мўрилар ёнида ёнғинчи буюмларни, том бўғотида сомон ва хашак сақлаш каби ҳолатлар ман этилиши белгиланди. Газ плиталарини ёқув ҳолада қаровсиз қолдирмаслик, ёш болаларнинг гугурт ўйнашига йўл қўймаслик ҳақида тарғиботга доир кўргазмали воситалар орқали ҳамда тадбирлар жараёнида алоҳида тушунтирилмоқда. Албатта, бундай қонда ва тартибларни билиш ҳамда уларга риоя этиш ҳар биримиз учун ниҳоятда зарурдир.

**Ф. ФИЁСОВ,**  
Юнусобод тумани  
ИИБЭХ инспектори,  
кичик сержант.

# “БИРДАМЛИК”НИНГ ИБРАТЛИ ИШЛАРИ

— Маҳалла аҳлининг келгусида ҳам аҳил бўлиб яшаш ҳозирда хонадонларда камол топаётган фарзандларимиз тарбиясига боғлиқ, албатта, — дейди **Бекобод шаҳридаги “Бирдамлик” маҳалла фуқаролар йиғини раиси Комилжон ака Холматов.** — Би-

ласиз, маҳаллалар маданият ва таълим-тарбия ўчоғи саналади. Бизнинг ҳудудда етти миллат вакиллари иноқ бўлиб яшайди. Бу масканда тез-тез турли тадбирлар, учрашувлар ўтказиб туришинг яна бир жиҳати бор, яъни меҳр — кўзда, деб бежиз айтишмайди. Фарзандларимиз бири-бири билан доимий мулоқотда бўлишса, фикр алмашишса, ора-ларидеги дўстлик янада мустаҳкамланади. Шунингдек, ёшларимизни кекса авлод вакиллари билан учраштириб, ҳаётий тажрибалари ҳақида ўртоқлашамиз, бу билан кадриятларимизни улуғлаш кўник-маларини мустаҳкамлашга ҳам ҳаракат қиламиз. Айниқса, 94 ёшли Ғофуржон ота Садиев каби нурунийларимизнинг ўғитлари ҳар бир маҳалладошимиз учун кадрли, улар ўз ҳаётларида бу ибратли

амалларга риоя қилишса сира кам бўлишмайди.

Ҳамжихатликда яшаб, ҳар доим ўзимизнинг кадрдон гўшамиз — маҳалламизни обод қилишни фуқаролик бурчимиз деб ҳисоблаймиз. Ўтган йили маҳалла-



миздаги Истиқлол ва Охунов кўчалари, таъмирталаб йўллар ҳомийлар кўмагида асфальт қилинди, 400 тупдан ортиқ дарахт кўчатлари ўтказилиб, кўкаламзорлаштириш ишларида ҳар бир оила баҳоли қудрат ҳисса қўшди. Маҳалла аҳли

## МАҲАЛЛАДАН БОШЛАНАР ВАТАН

билан келишган ҳолда, ҳафтанинг шанба ва якшанба кунлари хашар уюштирамиз. Худудимизда жойлашган бир қатор йирик корхона ва ташкилотларнинг ҳомийлик ёрдамлари кам таъминланган оилаларга қувонч улашмоқда. Яқинда эҳтиёманд оилалардан бирига ҳомийлар ёрдамида қорамол берилди.

— “Ораста кизлар” кўрик-танлови, “Менинг маҳаллам тарихини ўрганаман”, “Спорт ва биз” каби мусобақаларга отаналаримизнинг ўзлари бош-қош бўлишяпти, — дейди маҳалла маслаҳатчиси Карима Тожибоева. — Ёш ўғил-қизларимизнинг соғлом ва баркамол бўлиб ўсиши ҳар биримизнинг ҳаёт мазмунига айланган. Айна пайтда маҳалламизда 2140 нафар аҳоли 601 та оилада тинч-тотув истиқомат қилишмоқда. Маҳалламиз худудидаги коллеж битирувчиларининг асосий қисмини иш билан таъминлашга эришганмиз. Мактаб, коллеж ўқувчиларининг давомати, дарсларни ўзлаштириш даражаларини мунтазам ўрганиб, таҳлил этиб бораяпмиз. Тўй-ҳашамларни ихчам ўтказиш, эрта ва қариндош-уруғлар ўртасидаги никоҳларнинг олдини олишда ҳам жамоатчилик билан бамавсаҳат иш юритилапти. Бу борада маҳалланинг масъул котиби Эркиной Бойназарова, посбон Зокиржон Тожибоевларнинг ҳам хизмати катта.

**“Оила ва жамият” мухбири  
Нигора УРОЛОВА ёзиб олди.**

## КОРЕЯЛИК ШИФОКОРЛАР ЎЗБЕКИСТОНДА

“Соғлом авлод учун” халқаро хайрия жамғармаси Жанубий Корея Республикасининг бир қатор халқаро ташкилотлари ва университетлари билан ҳамкорликда кенг кўламада фаолият юритиб келмоқда. Ҳамкорлик доирасида жамғарма қошида замонавий тиббиёт асбоблари билан таъминланган янги

бино қурилди. Шунингдек, жамғарма ташкил топганининг 20 йиллиги муносабати билан Корея халқаро соғлиқни сақлаш KOFH жамғармаси томонидан 25,3 миң АҚШ долларига тенг бўлган “Hyundai H1” русумидаги мобил клиника Навоий вилояти

Тиббий ижтимоий патронаж бригадасига берилди. “Save the Children” Корея халқаро жамғармаси томонидан юрак туғма нуқсонни бор бўлган болаларни операция қилиш учун қиймати 31,0 АҚШ долларига тенг 50 наоа оксегенатор келтирилди.

Ушбу хайрли ишларни давом эттириш мақсадида, жорий йилнинг 19-26 январь кунлари Корея Республикасининг Ehwa Womans University госпиталининг 19 нафар малакали шифокорлари томонидан республикамизнинг бир қатор худудла-

рида беморларни умумий чуқурлаштирилган тиббий кўриқдан ўтказиш ва маърузалар ўқиш режалаштирилмоқда.

**Барно МИРЗААХМЕДОВА,**  
“Оила ва жамият”  
мухбири.



Рустам ХУДОЙБЕРГАНОВ,  
Ўзбекистон халқ рассоми:

# ҲАЁТ ДАРАХТИНИ ЯШНАТИБ ЯШАЙЛИК!

— Рустам ака, кўпчиликка маълумки, сиз Термиз шаҳридаги сув спорти саройини бетакрор мозаикалар билан безагансиз. Ўзбекистон давлат консерваториясининг мухташам, орган чолғуси залидаги “Йил фасллари”, Олий Мажлис Сенати биносининг кириш фойесигадаги “Ҳаёт дарахти” каби витражларни кўрганда, беихтиёр кўнгиладан бу асарларнинг ижодкори нималардан илҳомланган экан, деган ўйлар кечадди...

— Ҳар бир ижодкор энг аввало, ўзи туғилиб ўсган тупроқдан, она Ватанидаги бетакрор манзаралардан илҳомланади. Шу маънода мени руҳлантирган муҳит ҳам китоб ёки киноларда тасвирланган жараёнлар эмас, балки ақлимни таниб, ўз кўзим билан кўрган, кечирган оддий ҳолатлардир. Нега десангиз, ҳар қандай инсонда ҳам маълум маънода ижодкорлик қобилияти бўлади. Мен ҳар доим фарзандларим ва шогирдларимга ҳайратсиз ва ҳаяжонсиз, китоб ўқимаган инсонлардан узоқроқ юришларини уқтираман. Нега десангиз, ундайларга ҳаётнинг, тирикликнинг қизиги йўқ. Шу боис ҳам бизнинг юртимизда адабиёт ва санъатга, маънавият соҳасига давлат даражасида эътибор қаратилади, имкониятлар яратилган.

Энди сизнинг саволингизга келадиган бўлсам, мен ижодий фаолиятимни монументалист яъни деворга ишлов берувчи рассом сифатида бошлаганман. Лекин кейинги пайтда пейзаж жанрида кўп асарлар яратяман. Юртимизда ҳар бир фаслнинг ўз жилоси, жозибаси ва таровати бор. Табиатимиз ниҳоятда гўзал. Пуриқор тоғларимизда бир даврнинг ўзида икки-уч фаслнинг жилвакор рангларига ғувоҳ бўласиз. Боғларимизнинг бетакрор гўзаллиги одамни ўзига мафтун этади. Тарих учун жуда қисқа, лекин асрларга тенгласа арзиғулиқ, тарихий 22 йил давомида юртимизда Президентимиз раҳнамолигида жуда улкан ўзгаришлар, бунёдкорликлар амалга оширилди. Шаҳар ва қишлоқларимизнинг қиёфаси бутунлай ўзгариб кетди. Му болаға эмас, агар бундан ўн йил аввал Тошкент ёки бошқа шаҳарларимизга келган меҳмонлар бўлса, ҳозир ҳайратга тушади. Ана шундай улғувор ўзгаришлар биз — ижодкорларни илҳомлантиради, янгидан-яңги асарлар яратишга ундайди. Юқорида санаб ўтилган ишларим ана шундай, ўзига хос руҳланишлар махсули десам янглишмайман.

— Тасвирий санъат, биланмики, кўшиқчилик ёки актёрлик соҳасига ўхшаб, уч-тўртта кўшиғи ёхуд роли билан танилиб, машҳурлик даъво қилиш дегани эмас, аксинча, йиллар давомида заҳмат чекиб яратилган асарлар дунёсидир. Шундай экан, ўз мустақил йўналишини топишингизда қайси устозларингизга кўпроқ суянгансиз?

— Мен болалигимданок тасвирий санъатга жуда қизиққанман. Мактабда ўқиб юрган пайтларимда илк хомаки чизгирас мларимни кўрган ўқитувчиларим энг аввало, қўллаб-қувватлашган ва тўғри маслаҳатларини аямаган. 1965 йилда Низоми номидаги Тошкент давлат педагогика институтини (ҳозирги Тошкент давлат педагогика университети) нинг бадиий графика факультетига ўқишга кирдим. Институтни тамомлағач, бир муддат шу соҳада ижод қилдим ва яна ўз устимда жиддийроқ шуғулланиш учун ўқишни давом эттиришим кераклигини англаб, 1970 йил Тошкент давлат театр ва рассомчилик (ҳозирги Ўзбекистон давлат маданият санъат) институтига таҳсилни давом эттирдим. Устозлардан Чингиз Аҳмаров, Баҳодир Жалоловдан тинимсиз ўқиш, ижоднинг машаққатли меҳнатидан тўхтамаслиқни, янги асар яратиш жараёнида бошқаларга тақлид қилмай, ўз гоёларимни илгари суришни ўргандим.


Эътироф этишим керакки, бугунги эришган муваффақиятларим замирида Чингиз Аҳмаров, Ўрол Тансиқбоев, Рўзи Чориев каби ўзбек тасвирий санъатида катта маҳорат мактабини яратиб кетган устозларимнинг ҳам бевосита ва билвосита хизматлари бор.

— Дарвоқе, ўзбек тасвирий санъат мактаби вакилларининг яратган асарлари айни пайтда дунёда анча маълум ва машҳур. Шу маънода бу улкан мактабнинг ҳозирги мавқеи, даражасини қандай баҳолайсиз?

— Тан олиш керакки, бизнинг мамлакатимизда яшаб ижод қилаётган тасвирий санъат дарғаларининг асарлари ўзининг ранг бериш усули, композициядаги воқеалар ривожининг табиийлиги билан ҳатто хорижда ҳам тан олинган. Айни пайтда устозлар изидан келаётган ёшлар

орасида ҳам янги фикрлар диган, кенг дунёқарашга эга ниҳоятда иқтидорли ижодкорлар шаклланимоқда.

Айниқса, истиқлол шарофати билан кейинги йилларда Ўзбекистон тасвирий санъати юсак даражада ривожланди. Рассомларимиз бетакрор рангларга бой диё-



римизнинг гўзал табиати манзаралари, кўп асрлик маданий меросимиз ва қадриятларимиз акс эттирилган муаллифлик ишлари билан турли давлатларда мунтазам кўргазмалар ташкил этиб келишмоқда. Масалан, менинг ўзим ҳам Малайзиянинг Куала-Лумпур, Германиянинг Бранденбург шаҳарларида ўтказилган нуфузли тадбирларда шахсий кўргазмаларим билан бир неча бор иштирок этганман.

Ҳозир, ёшларимизнинг билим олиши, ижод қилиши учун барча имкониятлар яратиб берилган. Айнан тасвирий санъат йўналишида фаолият олиб бораётган коллеж ва лицейлар, олий ўқув юрталари ва бадиий марказларда ижодий муҳит қизғин. Эътиборли жиҳати, бу даргоҳларнинг барчаси замонавий асбоб-ускуналар, ўқув жихозлари, услубий қўлланмалар билан таъминланган. Ўз навбатида бундай шарт-шароитлардан оқилона фойдаланиш билан бир қаторда энди давлатимиз томонидан кўрсатилаётган бу каби юсак эътибор ва ишонччи оқлаш, яхши бадиий асарлар яратиш лозим.

Мен йигирма йилдан бери Камолитдин Бехзод номидаги Миллий рассомчилик ва дизайн институтига талабаларга ўз соҳамизнинг сир-асрорларини ўргатиб келмоқдаман. Ҳар йили институти мизни 250 нафарга яқин ёш мутахассислар битириб чиқади. Уларнинг барчаси мамлакатимизда тасвирий санъатнинг ривожланишига ўз улу-

Гурун

шини кўшиши шубҳасиз. Бўлажак рассомларимиз интернет орқали, дунёнинг Лувр, Эрмитаж сингари нуфузли музей ёки санъат муассасалари билан фикр ва тажриба алмашиб, ўз билимларини мустаҳкамлаб, ўзбек рассомчилиги шухратини жаҳонга ёйишмоқда.

— Ижод аҳли бадиий жиҳатдан пишиб ва пухта асарлар яратиши учун энг аввало, ўз оиласида намунали муҳит ярата олиши керак. Бу борада оила катта ўрин тутади, тўғрими?

— Албатта. Рафиқам Розохон билан турмуш курганимизга қирқ йилдан ошди. Бу рақам айтишга осон, лекин шу давр оралигида биз ҳам бошқаларга ўхшаб қанча синовларни бошдан кечирдик. Энг асосийси, эрхотин, иккимиз бир-биримизни ҳурмат қилдик, имкони борича тушуниб яшашга интилдик. Турмуш курганимизнинг дастлабки йилларида ҳамма ёш оилалар каби бизлар ҳам рўзгор аталмиш юкнинг катта-кичик таъшиларини, қийинчиликларни

енгиб ўтдик. Икки ўғлимизнинг ёшидаги фарқнинг қисқалиги, фарзанд парваришининг ўзига хос машаққатларига қарамай, умр йўлдошим ҳаётнинг ўткинчи муаммоларидан, арзимас етишмовчиликлардан ҳеч қачон нолимасди. Мен ҳам ўз навбатида аввало, қадрдон оилам тинчлиги, фаровонлиги ва хотиржамлигини таъминлаш орқалигина ижодимда юксалиш бўлишини тушундим. Бундай муҳит нафақат рассомни, балки, у аёлми, эркекми, барибир, ҳар қандай соҳа вакилини ҳам юксакликка етакловчи муҳим жиҳатдир. Оилани муқаддас деб билиб, уни асраб-авайласак, маънавий соғлом муҳит ярата олсакки, фарзандларимиз ҳам баркамол бўлиб улғаяди, бахтли, саодатли яшайди.

Эсласангиз, биз ҳаммуаллифликда яратган “Ҳаёт дарахти” деб номланган асаримизда бадиий тимсол сифатида тириклик, инсон ҳаётига ишора бор. Демак, Яратганнинг инояти билан ҳар бир инсон дунёга келар экан, унинг тақдир-аъмолига яхшилик қилиб яшаш, хайрли амалларга қўл уришдек масъулиятли вазифалар юклатилади. Инсонликнинг ўзи улғув бир мартаба, ана шу шарафли номга муносиб яшамок, изимиздан фақат ибратли ишлар колдириш учун ҳаёт дарахтини яшнатиб яшашга улгурайлик!

Шаҳноза ТОҲИДДИНОВА  
суҳбатлашди.



**КАЙМОҚ** — сундан ажратиб олинган қуюқ ёғли маҳсулот тилимизда “қаймоқ” деб аталади. Қадимда “қайукланди” сўзи “қаймоқли бўлди” деган маънони ифодалаган. “Қайукланди” сўзи “қуйук”, “қуйукланди” сўзига ҳам яқин. Шунингдек, “қай” деган феъл бўлиб, у “ёғли бўл” деган мазмунга эга бўлган.

Яхши сутнинг қаймоғи сермой бўлади.  
Журналдан

Ернинг қаймоғи — меҳнат қилганники.  
Ойбек

**БЕШИК** — бешик сўзининг туб илдиизи “бе” сўзидир. “Ўзбек тилининг этимологик луғати”да изоҳланишича, қадимги тилимизда “бе” сўзи “йўрғак” деган маънони англатган. Эҳтимол, “бела” феъли ҳам худди шу “йўрғак” маъносига “бе” сўзидан келиб чиқиб, “йўрғакла” деган мазмунни ифодалагандир.

“Бе” сўзига “-ши” ва “-к” қўшимчалари қўшилиши натижасида “бешик” сўзи ҳосил бўлган.

Она юртинг — олтин бешинг.  
Мақол

**УЗАНГИДОШ** — тилимизда ҳар доим бирга юрадиган, бирга улғайган кишиларга нисбатан қадимдан “узангидош” деган сўз қўлланган. Бу сўзнинг пайдо бўлиши отнинг узангисига асосланган. Демак “узангидош” сўзи бир отга мислиб юрган, бир отни мислиб улғайган деган маънони ифодалаб, яқин дўстларга нисбатан қўлланган.

Унинг отаси менинг узангидошим эди.  
Журналдан

Эшқобил ШУКУР  
тайёрлади.







**МАРКА ЎРНИГА ПАТ**

Индонезиянинг Бабар ороли аҳолиси почта харажатлари учун ҳақ тўлагач, конвертга марка эмас, куш латини ёпиштириб қўйишади. Бундай хатлар ҳаммаша ўз манзилига аниқ етказиб бериллади. Мактуб қабул қилувчидан эса ҳақ сўралмайди. Сабаби, Ин-



донезияда почта ҳақи унчалик қиммат эмас. Боз устига, аҳолининг ўзи ҳам ҳадеганда хат ёзавермайди.

Шу ўринда эслатма: ўрта асрларда хат ташувчи кабутарларнинг баҳоси бир от нарҳида эди.

**СУВ УСТИДА  
КИНОТЕАТР**

Маиший техника ривожланиб, бугунги кунда кўпчилиكنинг хонадонида замонавий "уй кинотеатри" туркумидаги телевизор ва видеоўқплалар мавжуд. Калифорниядаги Сандимон шахридаги уйлардан бирида замонавий техниканинг ушбу имкониятларидан фойдаланилган ҳолда ғаройиб кинотеатр очилган. Унинг эгаси Кент Лемастер ҳовуз чеккасига экран ўрнатиб, сувга шиширилган резина ўриндиқлар ўрнатган. Томошабинлар бир вақтнинг ўзида фильм томоша қилиб, оёғига иссиқ ваннасини қабул қилишлари мумкин.

**БЎЙГА ЯРАША  
ЙЎЛКИРА**

Болаларнинг жамоат транспортларидан фойдаланишдаги имтиёзлари турли мамлакатларда турли тарзда жорий этилган. Маълумки, юртимиз шаҳарларидаги жамоат транспортларида етти ёшга тўлмаган болакайлarga йўл ҳақи олинмайди. Канаданинг Торонта шаҳрида эса болалар автобус, метро, троллейбус ва бошқа ша-



ҳар транспортга чиққанларида бўйига қараб йўл ҳақи тўлашади. Транспорт эшиги олдига ўн бир ёшли боланинг ўртача бўйига тенг келадиган белги қўйилган. Кимки ўша белгидан паст бўлса, болалар чиптасини олади, агар баланд бўлса, катталар қаторида пул тўлайди.

Наргиза СИДДИҚОВА тайёрлади.



**ҚИЗИМ ТИНЧ,  
ЎЗИМ ЭСА...**

— Турмуш ўртоғим билан саккиз йил бирга яшадик, — дейди таҳририятимизга Бухородан кўнгирак қилган Назира ая. — Афсус, у киши бахтсиз тасодиф туфайли оламдан ўтгач, икки ёш болам билан бўзлаб қолдим. Болаларимни ҳам ота, ҳам она бўлиб улғайтиргач, ташвишларим ҳам кўпайди. Туман марказида яшаганим учун тирикчиликнинг имконини топдим. Кундузи фаррошлик, кечкурун эса кичкина дўкончамизда савдо қилдим. Ўғлим катта бўлса ёнимга кирар деб умид қилгандим. Афсус, у ноқибил чикди. Хорижга ишлагани кетиб, ҳалигача бедарак, бир сўм пул юборгани йўқ. Қаерда, қандай яшяпти, беҳабарман. Бир амаллаб қизимни турмушга узатгач, елкамдан тоғ ағдарилгандек бўлди. Бир куни уйимизга қирқ ёшлардаги бир жувон мени отасига сўраб келди. Аввалига роса сикқилдим, ёшим 55 га борганида турмуш кураманми, деб ўйладим. Кейин, боши очик, бева аёлнинг ҳаётини сиз сўраманг, мен айтмайин. Хуллас, қариндошларимдан маслаҳат сўрадим, улар имкони бўлса, кўнинг, дейишди. Охири 65 ёшли Азамат ака билан бирга яшай бошладим. Ҳовлиси шнамгина, иссиқхонасида лимонлар пишиб ётибди. Ертўласи тўла мева. Уйдаги келин бечора ёш боласи билан ошхонадан чиқмай, пиширик пишириб, сотиб, пулини қайнотасига олиб келиб беради. Ўғли эртаю кеч ҳайдовчилик қилади. Келинлари ҳам, ўғиллари ҳам менга жуда яхши муносабатда бўлишди. Лекин чол тушмагур ниҳоятда зикна, хасис экан, бир тийинни ҳам ҳисоблаб, хатто еган овқатимни ҳам миннат қиларди. Бир куни кутилмаганда, "Хўш, икки ойча ётиб еганинг етар энди, эртадан бошлаб кундузи кўчага стол қўйиб бераман, майда-чуйда сотиб, ош-нонингни оқлайсан, кечаси теллицада ишлайсан", деб қолса бўладими. Чидолмадим, шунча йил чеккан азобларим бир бўлди-ю, буниси энди ортикча эди. Ўша куниек уйимга қайтиб келдим. Худога шукр, қўл-оёғим бут, тун соғ-саломат. Бир рўзгорни эплайман. Мехрга муҳтож бир инсоннинг хизматини қилиб, дуосини олсам, деган ниятдаман.

НАЗИРА АЯ,  
Бухоро вилояти.

**СИЗЛАРГА  
ИШОНАМАН**

Туман марказига қатновчи маршрут таксисида ҳайдовчи бўлиб ишламан. Яқинда ишдан қайтаётган бир шифокор аёл билан суҳбатлашиб қолдим. "Оила ва жамият" газетасини ўқир экан. Менинг тақдирим ҳақида эшитгач, "Бахтли бўлинг" рукнига мурожаат қилишимни маслаҳат берди. Айтишича, турмушидан ажралган дугонаси ушбу бўлим орқали бир йигит билан танишиб, ҳозирги кунда бахтли яшаётган экан. Бу хабарни эшитиб, сизларга ишончим ортди. Ёшим 49 да. Аёлим оламдан ўтганига уч йил бўлди. Ўкми нафар қизим бор. Мана шу қоракўзларимдан мехру муҳаббатини аямайдиган 40 ёшгача бўлган аёлга уйланиш истагидаман.

МАСРУР,  
Фаргона вилояти.

**ИЧКУЁВ БЎЛМАГАН  
ЭДИМ...**

Биз оилада бир ўғил, бир қизмиз. Катта опам оиласи билан пойтахтда яшайди. Мен эса қишлоқда ота-онам билан қолганман. Опамникига меҳмонга борганимда жияним Нилуфарни боғчага олиб бориб, Гулсанам исми боғча опаси билан танишиб, унга кўнгилик қўйдим. Жияним баҳона тез-тез боғчага борадиган одат чиқардим. Гулсанам ҳам менга бефарқ эмаслигини билгач, ота-онам келин излашаётганини, совчи юбормоқчи эканимни айтдим. У қизариб ерга қаради-ю, "Онам нима деркин", деди. Мен-ку бир амаллаб онамни кўндирдим. Аммо Гулсанамнинг онаси қизимни қишлоққа келин қилиб бермайман, деб тиш-тирноғи билан қарши бўлди. Уйдагилар бир-икки йилдан сўнг пойтахтга кўчиб бориш шарти билан розилик олишди. Тўйдан сўнг, орадан бир ой ўтмасданок қайнонам қачон кўчиб келасизлар, деб кистайвергач, ота-онамни ташлаб, ижара уй олиб

яшагача мажбур бўлдим. Қайнонам энди ичкўев бўлиб яшашимни талаб қилди. Бу орада дадам оламдан ўтиб, онам ёлғизланиб қолгач, у кишини уйимга олиб келдим. Шунда қайнонам чидолмади. "Энди шуниси етмай турувди, қизим иккита нонхўрга қаролмайди, онангни уйига жўнатиб, ўзинг бизникида яшайсан", деб оёқ тираб олди. Мен роса муросага қақирдим. Ҳар куни жанжал бўлавериби, сиқилгани учун Гулсанамнинг икки марта ҳомиласи тушиб қолди. У ҳам менга қарши бўлди. Охири қонуний ажрашдик. Ҳозир онам иккимиз Сурхондарёда яшяпмиз. Ёшим 28 да. Шахсий машинада ҳайдовчилик қиламан. Уй-жойим етарли. Ўз бахти учун кураша оладиган иродали қиз бўлса овоз берсин.

АСҚАР,  
Сурхондарё вилояти.

**ПАРИЗОДА  
УНАШТИРИЛДИ**

— Тошкент шаҳрида яшайман. Газетангизнинг биринчи сонидаги "Бахт бойликдами?" номли сарлавҳа остида маҳалла маслаҳатчиси Хайринисо опанинг маслаҳати бўйича келдим, — дейди Шафоат опа. — Паризода ҳақида айтилган илик фикрларни ўқигач, уни бир суриштириб кўрсам бўларкан, деб ўйладим. Чунки, очигини айта қолай сизга, менинг ҳам ўғлим бахтидан тинмаган, ёшим 35 да. Олий маълумотли. Ичиш-чекиш каби зарарли одатлардан холи. Мана, ҳужжатлари билан бирга суратини ҳам олиб келдим. Рухсат берсангиз, Паризоданинг суратини бир кўрсам бўладими?

Паризоданинг суратини кўрган Шафоат опа хурсанд бўлиб ва насиб этса, узукка кўз қўйгандек мос экан, энди ўзларини учраштирамиз, дея қилиб этди. Орадан тўрт кун ўтгач, Хайринисо опа таҳририятимизга кўнгирак қилиб, бизга раҳмат айтди ва Дилшодбек билан Паризодани унаштиришгани ҳақида хабар қилди.

**ТАХРИРИЯТДАН:**


"Бахтли бўлинг" рукнига хат йўллаётган ёки бевосита мурожаат қилаётган фуқаролар паспорт нусхаси ва яшаш жойидан (маҳалла кўмитасидан) маълумотнома тақдим этишлари шарт. Шунингдек, ажрашганлар бўлса, суд қарорининг нусхасини топширишлари талаб этилади.

МУРОЖААТ УЧУН ТЕЛЕФОН: 234-25-46

**Фойдали маслаҳатлар, фойдали маслаҳатлар**

Сут қаҳванинг таъсирини камайтиради. Шунинг учун қон босими ошиб турадиган кишилар уни сут билан истеъмол қилганлари маъқул.

Сўлиб қолган салат баргини ўз ҳолига қайтариш учун уни лимон шарбати ҳамда хом картошка бўлакчалари билан бирга сувга 10 дақиқа солиб қўйинг.



Чучук қатиқ зардоб июз терисини силқиклаштириб, оқартириш хуsusиятига эга.

Мис анжомлардаги доғларни лимон бўлакчалари билан артиб кетказиш мумкин.



Тилла буюмларни ялтираб туришини истасангиз, уни хом тухумнинг оқи билан артиб тозаланг.


Қўл ва уй телефонларини кунига бир марта бактерияларга қарши салфетка билан артиб туриш шарт!

Идишлардаги балик ҳидини кетказиш учун ичимлик сиркаси шилдириган пахта билан артинг, сўнгера идиш ювиш настаси (гель) билан ювиб ташланг.

Ўзини оқартирувчи ниқоблардан фақат кечкурун фойдаланиш тавсия этилади. Чунки бундай муолажадан сўнг юзга 6-7 соат давомида қўёи нурлари тушмаслиги лозим.

Гулноза БОБОЕВА тайёрлади.

# ЙЎЛДАГИ ГАПЛАР



Бекатда автобус кутиб турган аёл ҳамроҳига ёзгирди:

— Ишқилиб, бугун ҳам телефон қулоғига ёпишиб қолгандай гаплашадиган қизлар учрамагин-да. Кеча ўзим ишдан чарчаб чиққанман денг, бунинг устига ёнгинамда бир жиблажибон қизнинг лаби лабига тегмай телефонда гапиргани шунақа асабимга тегдики, сиз сўраманг, мен айтмайин. Айтсам, ишонмайсиз, автобусдан тушсам телефон қулоғидан тушмади-я бояқшининг...

Деярли ҳар кун ана шундай ҳолатга кўникиб қолдик: кўча-кўйда, ўқув ёки шифо масканлари дейсизми, ҳуллас, дуч келган жойда айрим йигит-қизларнинг қулоғида телефон-наушник, бири гаплашяпти, бири сўқишяпти, бошқаси эса бошини силкитиб беўхшов хатти-ҳаракатлар қилиб кетяпти... Кўп кўрамига, баъзан метрода, автобус ёки трамвайда қўл телефондаги ўйинлардан кўзини узолмаётган ёшлар рўпарасида турган кексароқ ёхуд бола кўтарган аёлларга жой



бермасдан, ўзини кўрмаганга олиб, безрайиб ўтираверади. Мабодо, бундайларни сал қойсангиз ҳам балога қоласиз.

Бир аёл 15 ёшдаги қизининг кечаси телефонда куй-қўшиқ эшитишдан бўшамаслигини, буни ҳар кун кузатиб хавотирланишини айтиб қолди. "Вақтинги беҳуда сарфламай, китоб ўқигин", дейман. У бўлса, "Ойижон, китоб ўқисам уйқум келади", дейди.

Онанинг бу куюнишига бефарқ бўлолмадим. Беихтиёр шу ҳолатни

лардан сўраб олиш тўғрисида илтимос қилиш, адвокат ёки ўз вакили хизматларидан фойдаланиш ҳуқуқига эга.

Мурожаатни кўриб чиқаётган давлат органларининг мансабдор шахлари фуқароларга уларнинг ҳуқуқлари, эркинликлари ва қонуний манфаатларига дахлдор ҳужжатлар, қарорлар ва бошқа материаллар билан танишиб чиқиш имкониятини таъминлашлари шартлиги белгиланган.

**Саволларга Навоий вилоят адлия бошқармаси масъул ходими АТҲАМ ЯРҚУЛОВ жавоб берди.**

## АРИЗАНИ

### ТОПШИРИШ МУМКИН

Нотариус жисмоний ва юридик шахсларнинг нотариал ҳаракатлар билан боғлиқ бўлган аризаларини олиб бошқа жисмоний ва юридик шахсларга топшириши мумкинми?

**Бекзод ЮСУПОВ**

Нотариус нотариал ҳаракатлар билан боғлиқ (ишончномани бекор қилиш ҳақидаги ариза, қарз шартномаси бўйича қарздорга аризани топшириш, уй, квартира, уйнинг ёки квартиранинг бир қисмини имтиёзли сотиб олиш ҳуқуқига эга бўлган шахсларга аризани топшириш ва ҳоказо) бўлган жисмоний ва юридик шахсларнинг аризаларини олиб бошқа жисмоний ва юридик шахсларга топшириши мумкин.

Ариза берган шахснинг илтимосига кўра унга аризанинг топширилганлиги ҳақида гувоҳнома берилмади, унинг мазмуни қандай бўлади?

**Хамза ҲАЙИТБОВ**

Ариза берган шахснинг илтимосига кўра унга аризанинг топширилганлиги ҳақида гувоҳнома берилди. Гувоҳномада аризанинг мазмуни кўрсатилади.

**Саволларга Гулран тумани 1-сон ДНИ нотариуси Шокир МАДАМИНОВ жавоб берди.**

## КЕЧИКТИРМАЙ КЎРИБ ЧИҚИЛАДИ

Фуқароларнинг давлат бошқарув органларига қилган мурожаатлари қанча муддатда кўриб чиқилиши белгиланган?

**Хусния НОРМАТОВА**

Ўзбекистон Республикасининг "Фуқароларнинг мурожаатлари тўғрисида"ги Қонунининг 18-моддасига кўра, фуқароларнинг таклифлари тушган кундан эътиборан бир ойгача бўлган муддат ичида кўриб чиқилади, кўшимча ўрганишни талаб этадиган таклифлар бундан мустасно ва бу ҳақда таклиф киритган шахсга ўн кунлик муддат ичида маълум қилинади.

Ариза ёки шикоятлар масалани моҳиятан ҳал этиши шарт бўлган давлат органига тушган кундан эътиборан бир ойгача бўлган муддат ичида, кўшимча ўрганишни ва текширишни талаб этмайдиган ариза ёки шикоятлар эса ўн беш кундан кечиктирмай кўриб чиқилади.

Ариза ёки шикоятни кўриб чиқиш учун текшириш ўтказиш, кўшимча материаллар талаб қилиб олиш ёки бошқа чора-тадбирлар кўриш зарур бўлган ҳолларда, ариза ёки шикоятни кўриб чиқиш муддати тегишли давлат органи раҳбари томонидан истисно тариқасида узоғи билан бир ойга узайтирилиши мумкин ва бу ҳақда ариза ёки шикоят берган шахсга маълум қилинади.

Фуқаронинг мурожаатини кўриб чиқишда фуқаронинг шахсан ўзи иштирок этиши мумкинми?

**Барно САТТОРОВА**

Ўзбекистон Республикасининг "Фуқароларнинг мурожаатлари тўғрисида"ги Қонунининг 19-моддасига кўра, мурожаат давлат органлари томонидан кўриб чиқилаётганда фуқаро мурожаатнинг кўриб чиқилиши жараёни ҳақида ахборот олиш, важларини шахсан баён этиш ва изоҳлар бериш, мурожаатни текшириш материаллари ҳамда кўриб чиқиш натижалари билан танишиш, кўшимча материаллар тақдим этиш ёки уларни бошқа орган-



## ТАХМИНАНИНГ ТҮРТ МЕДАЛИ

Яқинда АҚШнинг Майами шаҳрида бадиий гимнастика бўйича ташкил этилган "Gold Coast International Cup - 2014" аънавий халқаро турнирида ёш гимнастикачиси Тахмина Икромованинг маҳорати мухлису мутахассислар томонидан юқори баҳолангани бунинг яна бир ёрқин ифодасидир.

Дунёнинг ўнга яқин мамлакатлари вакиллари иштирокида ўтказилган мусобақада ҳамюртимиз кўпқураш бахсларида олтин медални қўлга киритди. Т.Икромова турнир давомида эркин машқ бажариш бўйича олтин, ҳалқа ва тўп ўйнатишда бир жуфт кумуш медаль билан тақдирланди.

## БРАЗИЛИЯГА ОТЛАНГАН ЎЗБЕК

2006 йили Германияда бўлиб ўтган футбол бўйича жаҳон чемпионати бахсларига Ўзбекистондан велосипедда борган марғилонлик Акрам Маъруфжонов Бразилияга борадиган бўлди. Машур велосипедчининг режалари ҳақида ЎФФ матбуот хизмати маълум қилди.

Хабар беришларича, Маъруфжонов ЎФФда меҳмон бўлиб, Бразилиядаги жаҳон чемпионати бахсларига велосипедда бориш режалари билан ўртоқлашган.

Маълумот учун, 2008 йили Акрома Германия терма жамоаси ва Мюнхеннинг "Бавария" клуби собиқ дарвозабони Оливер Каннинг хайрлашув учрашувида иштирок этиб, унга зарбод тўн ва дўппи кийдирган, невараси учун эса Каннинг дастхати туширилган клуб либосини эсдалик сифатида қабул қилган.

## РОНАЛДУ ЯНА ТАҚДИРЛАНДИ

"Реал" жамоаси ҳамда Португалия терма жамоаси ҳужумчиси Криштиану Роналду ўз мамлакатининг энг юксак мукофоти билан тақдирланди.

Португалия президенти Анибал Каваку Силва футболчига шахсан ўзи Генрих Денгизчи (Инфант Дон Энрике) орденини топширди. Тақдирлаш маросими Лиссабон шаҳридаги президент саройида бўлиб ўтди. Ушбу мукофот декабрь ойида очилган Роналдунинг шахсий музейига қўйилади бўлди.

Эслатиб ўтамиз, Роналду 2013 йилнинг энг яхши футболчисига аталган "Олтин тўп" совринини қўлга киритган эди.


**Интернет манбалари асосида Илҳом ЖУМАЛОВ тайёрлади.**

Муассислар: Ўзбекистон Хотин-қизлар қўмитаси, «Болалар ва оилаларни қўллаб-қувватлаш» ассоциацияси (Болалар жамғармаси) ва «Соғлом авлод учун» халқаро хайрия жамғармаси

Тахририятга келган кўлэмалар муаллифларга қайтарилмайди. Реклама материаллари мазмуни учун тахририят жавобгар эмас.

«Шарқ» нашриёт-матбаа акциядорлик компанияси Босмаҳонасида чоп этилди. Тошкент, Буюк Турон кўчаси, 41-уй. Босишга топшириш вақти - 15:00. Босишга топширилди - 15:00.

E-mail: oilavajamiyat@sarkor.uz



МАНЗИЛИМИЗ: Тошкент - 100000. Амир Темура кўчаси 1-тор кўча, 2-уй. Мўлжал: Олой бозори ёнида

Бош муҳаррир:  
Норқобил ЖАЛИЛОВ

Навбатчи муҳаррир — Дилором МАТКАРИМОВА  
Саҳифаловчи — Илҳом ЖУМАНОВ  
Мусахҳиҳлар — Саидгани САЙДАЛИМОВ,  
Гулноза БОБОЕВА

Ўзбекистон Матбуот ва ахборот агентлигида 0169-рақам билан 11.01.07 да рўйхатга олинган. Буюртма Г - 138. Формати А-3, ҳажми 2 табоқ. Адади - 8833. Баҳоси келишилган нархда.

ОБУНА ИНДЕКСИ - 176

Қабулхона: (тел-факс) 233-28-20  
Котибият: 234-76-08  
Мухбирлар: 233-04-50  
«Оила» бўлими: 234-25-46

Web-site: oilavajamiyat.uz

12 45